

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

**PERTANYAAN : BUKAN LISAN
DARIPADA : YB DATO' OTHMAN BIN AZIZ [JERLUN]
TARIKH :
SOALAN :**

YB Dato' Othman Bin Aziz [Jerlun] minta MENTERI KESIHATAN menyatakan apakah langkah dan persiapan yang diambil untuk menangani penularan virus Zika di negara ini.

Tuan Yang di-Pertua,

Terima kasih atas soalan-soalan yang telah dikemukakan, di mana akhir-akhir ini sedang hangat diperbincangkan dan diperdebatkan. Ingin saya menyatakan di sini berdasarkan isu semasa jangkitan virus Zika yang mula dilaporkan di Brazil pada Mei 2015 dan sehingga 26 Februari 2016, "World Health Organization" (WHO) telah melaporkan sebanyak 40 negara telah mencatatkan kejadian kes Zika.

Penyakit Zika ini mempunyai tanda-tanda dan gejala menyerupai demam denggi seperti demam, sakit otot, sakit sendi, sakit kepala, sakit di belakang mata, konjunktivitis dan ruam. WHO juga telah melaporkan bahawa terdapat kaitan diantara kejadian jangkitan virus Zika dengan

kejadian “microcephaly” di Brazil dan “Guillain-Barre Syndrome” di beberapa negara lain.

Pada 1 February 2016, mesyuarat pertama “Emergency Committee dibawah “International Health Regulation” (IHR), Ketua Pengarah WHO telah mengisytiharkan jangkitan virus Zika adalah merupakan “Public Health Emergency of International Concern” (PHEIC).

Tuan Yang di-Pertua,

Ingin saya maklumkan juga di sini bahawa nyamuk Aedes menyebarkan penyakit Denggi, Chikungunya, Yellow Fever, West Nile dan sekarang penyakit Zika. Maka Malaysia adalah berisiko tinggi untuk berlakunya wabak Zika kerana kehadiran nyamuk Aedes yang tinggi di negara ini.

Sehubungan itu, Kementerian Kesihatan Malaysia (KKM) telah mengeluarkan Zika Alert Dan Arahan Pentadbiran Untuk Pemantauan Dan Pengurusan Jangkitan Virus Zika kepada semua Jabatan Kesihatan Negeri, hospital serta klinik swasta pada 4 Februari 2016. Langkah – langkah yang diambil oleh Kementerian Kesihatan Malaysia bagi membendung penularan virus Zika adalah melaksanakan:

- i. Pemantauan rapi untuk jangkitan virus Zika dan kes “microcephaly” di peringkat Jabatan Kesihatan Negeri, Pejabat Kesihatan Daerah (PKD) termasuk pemantauan di pintu masuk darat, udara dan laut.
- ii. Melakukan aktiviti kawalan bagi “suspected case” iaitu mereka yang pulang dari negara yang melaporkan kes jangkitan virus Zika di tempat mereka tinggal semasa

berada di dalam negara ini. Kawalan yang dilakukan adalah seperti kawalan wabak denggi.

- iii. Mengeluarkan "Zika Alert" dan memaklumkan mengenai situasi virus Zika serta pelaksanaan pengurusan jangkitan virus Zika kepada fasiliti kesihatan swasta.
- iv. Bagi kes yang didiagnosa sebagai "suspected case", pengamal perubatan yang merawat pesakit hendaklah menasihatkan pesakit untuk melindungi diri dari gigitan nyamuk dan menggunakan repelen serta memakai pakaian yang bersesuaian. Pesakit juga dinasihatkan menghadkan pergerakan diri dan berada di rumah.
- v. Meningkatkan pemantauan di pintu masuk dengan mengedarkan Nasihat Kesihatan ("Health Advisory") kepada pelancong dan rakyat Malaysia berkenaan langkah-langkah yang perlu diambil sekiranya mempunyai gejala demam, konjunktivitis dan ruam dalam tempoh tujuh (7) hari setelah kembali dari negara yang melaporkan jangkitan virus Zika. Bagi mereka mempunyai simptom ini hendaklah melaporkan diri ke tempat saringan di pintu masuk atau Klinik Kesihatan berhampiran dengan kadar segera
- vi. Menasihatkan masyarakat untuk melakukan aktiviti pembersihan persekitaran bagi menghapuskan tempat-tempat pembiakan Aedes setiap minggu. Selain itu, menggalakkan masyarakat melindungi diri dari gigitan

nyamuk dengan memakai pakaian yang menutupi anggota badan dan menggunakan ubat pencegahan gigitan (repelen) secara tetap.

Hasil pemantauan KKM melalui surveilans makmal yang dilakukan oleh Makmal Kesihatan Awam Kebangsaan (MKAK) dan Institut Penyelidikan Perubatan (IMR) dari bulan Jun 2015 sehingga 23 Februari 2016, mendapati tiada jangkitan virus Zika dikesan di negara ini daripada sebanyak 414 sampel darah yang telah diuji.

Tuan Yang di-Pertua,

Kementerian Kesihatan (KKM) amat komited dan telah melaksanakan pelbagai langkah-langkah pencegahan bagi mengawal pembiakan nyamuk seperti berikut :-

- iv. Meningkatkan peranan Jawatankuasa Kemajuan dan Keselamatan Kampong (JKKK) atau perwakilan penduduk di kawasan kampong /FELDA/ FELCRA untuk menggerakkan masyarakat luar bandar melakukan aktiviti cari dan musnah tempat-tempat pembiakan nyamuk *Aedes* termasuk aktiviti gotong royong.
- v. Meningkatkan aktiviti promosi kesihatan untuk mendapatkan penglibatan masyarakat di rumah-rumah ibadat, balai raya serta di pelbagai media massa samada di televisyen, akhbar tempatan, radio serta penggunaan media sosial seperti *facebook* dan *whatsapp*.

vi. Menggalakkan penglibatan masyarakat dalam pencegahan nyamuk Aedes melalui penubuhan pasukan COMBI terutama di luar bandar yang berisiko.

JAWAPAN SOALAN PERSIDANGAN DEWAN RAKYAT

PERTANYAAN BERTULIS DARIPADA: Y.B. DR. MANSOR BIN ABD RAHMAN [SIK]

JAWAPAN OLEH Y.B. MENTERI PENDIDIKAN MALAYSIA

PERTANYAAN BERTULIS

Dr. Mansor bin Abd Rahman [Sik] minta **MENTERI PENDIDIKAN** menyatakan adakah terdapat sebarang rancangan atau mekanisme bagi memastikan harga makanan dan minuman di kantin-kantin sekolah adalah berpatutan dan tidak membebankan ibu bapa.

JAWAPAN

Untuk makluman Ahli Yang Berhormat,

Kementerian Pendidikan Malaysia (KPM) telah menyediakan **Garis Panduan Pengurusan Kantin Sekolah** kepada semua sekolah di seluruh negara. Pihak sekolah perlu mengikut garis panduan yang telah ditetapkan oleh pihak KPM. Jawatankuasa Kantin Sekolah akan memantau bagi memastikan pihak pengusaha kantin mematuhi segala sebut harga dan syarat-syarat kontrak kantin termasuk harga-harga makanan dan minuman yang telah ditetapkan. Manakala penawaran harga akan diputuskan oleh jawatankuasa sebut harga kantin dan berdasarkan sebut harga barangan yang akan dijual di kantin.